

# Årsmelding for Gaular sokneråd 2024

Tekst knytt til kyrkjeleg arbeid i soknet: soknerådsleiar Bjarne Horsevik.

Tekst knytt til ressursbruk: økonomileiar Ingvar Byrkjeland.

## Oppgåver til kyrkjesektoren

Mykje av oppgåvene er knytt opp til dei kyrkjelege handlingane (gudsteneste, dåp, konfirmasjon, vigslе og gravferd) diakoni og trusopplæring. Det administrative arbeidet, som er ei følge av dette, vert utført av kyrkjeverje, kyrkjesekretær, sokneprest, diakon, organist og medarbeidar trusopplæring i saman med soknerådet.

## Medlemmer i Gaular sokneråd i 2024:

Bjarne Horsevik, leiar

Idar Senneseth, nestleiar

Laila Oppedal, soknerådsrepresentant i fellesrådet

Sigurd Martin Årskaug

Bente Oddny Kandal

Marit Eldal

Olaug Hanne Espeland

Sandra Hjønnvåg

Frode Skeide, sokneprest

I soknerådet er det 9 faste medlemmer, av dei er det 5 kvinner og 4 menn. Det har vore halde 5 møter og behandla 46 saker i soknerådet i 2024. Det har vore 2 fellesmøte med dei andre sokna i Sunnfjord kommune. Dei tre kyrkje- og diakoniutvala i Gaular krins, har til saman hatt 6 møter (2 i kvar krins).

## Oppsummering av arbeidet til soknerådet

2024 har vore eit normalår, vi har hatt gudstenester, bryllaup, barnedåp og gravferder.

## Saker som vi har behandla i soknerådet

Det som vi har hatt føre i 2024 er: rekneskapen for Gaular Sokn, Kyrkjebladet, Sande Kyrkjelydshus, som soknerådet er styre for, behandling av årsmeldinga og rekneskapen for Gaular Sokn, fasteaksjonen, der får vi konfirmantane til å gå med bøsse. Vi har og hatt føre oss konfirmasjonane, julekonsertane, kyrkjelydsbasaren, offerlista, kyrkjelydens årsmøte, påskefrukost på Sande, Bibelutdeling, oppstart av barnekor på Sande, myldregudstenester, medarbeidarfest og husleiga for Gaular kyrkjekontor. Vi har og hatt føre oss samarbeid med Holsen og Haukedalen sokn, samt ein del referatsaker frå

Fellesrådet og informasjon om orgelet til Sande kyrkje. Så skal vi til med oppgradering av kyrkjekontoret. Kyrkjebladet er oppe på kvart møte i soknerådet. Elles er det mange andre ting vi har føre. Vi har eit godt samarbeid i soknerådet.

### **Gudstenester m.m. i Gaular sokn**

Det har vore halde 64 gudstenester, 25 gravferder, 32 dåp, 29 konfirmantar, 6 vigslar og det har vore totalt 8362 frammøtte i kyrkjene. Det blir og halde andakter på Sande omsorgssenter. Innsamla midlar er på kr. 208.325. Av dette går kr. 64.559 til eige kyrkjelydsarbeid.

### **Kyrkjebladet**

Som vi har undersøkt er Kyrkjebladet kjekt å få. Redaktøren gjer ein god jobb med å få tak i stoff og soknerådet kjem og med innspel til saker å skrive om. Redaktør er Ragnhild Stav. I 2024 kosta det kr. 85.500 å trykke bladet og inntektene er kr. 61.796. Så i 2024 hadde bladet eit underskudd på kr. 23.704. I og med at bladet blir køyrt ut på dugnad, sparer vi mykje porto og hadde det ikkje vore for det, hadde underskuddet vore mykje større. Så ei stor takk til dugnadsgjengen. Det er kjekt at skulane i Gaular stiller opp med fine teikningar.

### **Kyrkje- og diakoniutval**

Det har vore halde 6 møter, 2 i kvar krins. Diakonen har halde andakter på Sande omsorgssenter og besøkt pårørande i lag med presten, etter at dei har mista sine kjære. Ho har og vore med i konfirmantopplæring, konfirmasjonar konfirmanthelg, trusopplæring, tårnagentar, babysong, sørgesamtaler og ho har halde gravferder. Ho vikarierer og som kantor. Ragnhild arbeider og med fasteaksjonen for Kirkens Nødhjelp, der ho får konfirmantane til å gå med bøsser. Fasteaksjonen er viktig og samla inn kr. 65.745 i 2024. Ho deltek på Tysdagskafe i Bygstad og på Sande og Føremiddagstreff på Viksdalen. Elles har ho kontakt med busette flyktningar. Diakoniutvalet har føre seg bl.a. fasteaksjon, gudstenesteplan, kyrkjelydsbasaren og mykje anna som går føre seg i kyrkjeleg samanheng. Ragnhild gjer ein god jobb og samarbeider godt med presten og dei andre på kyrkjekontoret.

### **Sande kyrkjelydshus**

I 2024 har det vore bra med aktivitetar i huset, med utleige både til dåp, konfirmasjonar, minnestunder, Tysdagskafe, babysong m.m. Kyrkjekontoret er og leigetaker i huset. Elles har vi folk på dugnad, som ser etter huset og gjer småreparasjonar der det trengs. På basaren, som vi hadde i haust, fekk vi inn

kr. 21.761. Leigeinntektene for kyrkjelydshuset er kr. 308.030 og det skuldast at for 2023 betalte ikkje Fellesrådet husleige, som då vart overført til 2024. Andre inntekter er kr. 57.926 og utgiftene er på kr. 130.967. Då får vi eit overskudd på kr. 234.989 og disposisjonsfondet totalt er kr. 506.650.

### **Nettsida**

Den har vorte bra med mykje nyttig informasjon. Vi brukar digital påmelding til dåp, konfirmasjon og vigsle. Gudstenester og andre aktivitetar blir lagt inn i kalenderen slik at det blir lett å finne dato og klokkeslett. Det som står der er også publisert på [skjerikirken.no](http://skjerikirken.no). Nettsideadressa er [www.kyrkja.no/gaular](http://www.kyrkja.no/gaular).